



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In Inventione S. Crucis.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

dicem, ita apud Loberium de Fortitudine & Constantia. Aug. *Judex dicit occide, & terror occidit, tu quando dicit DEO, occide inimicum meum, te facis Judicem, & DEUM quæris esse tortorem.* Vibrabat Eques hastam, armis utebatur Patriis, &c.

In Inventione S. Crucis.

Quid in Majo, mente amæno, crux facit? Imò facit, quia exhilarat, sicut si quis reperiret arma quibus è servitute dura per aliquem liberatus fuit, & quibus solis si reciderit in servitutem se potest liberare. S. Leo serm. 8. de Passione. *O admirabilis potentia crucis in qua & tribunal Domini, & judicium, & potestas Crucifixi.* Abduxerat Tyrannus mundum in captivitatem, miserus illus Christus Cant. 7. *Ascendam in palmam & apprehendam fructus ejus.* Delrio ita legit, *Ascendam in crucem & vincam Tyrannum.* Est etiam judicium in cruce. *Nunc Princeps hujus mundi judicatus.* Est potestas Crucifixi. Quia velut rem suam signant sigillo, ita ille nos in Capite Adæ sanguine suo obsignavit. Jo. Molanus de Sanct. Imag. cap. 17. quærit cur ab antiquo soleat appingi caput Calvarie humanæ Cruci ut in eam stillet sanguis, & ait, esse traditionem, quòd in monte Calvarie sit Adam sepultus, & ita ejus caput appingi. De ipsa etiam cruce Didacus della vega Francisc. asserit ex gravissimis Authoribus & Historia S. Crucis, dum Adam fuisset moriturus, mandavit Filiis ut irent ad paradysum, & ab Angelo custode paradysi impetrarent aliquem ab eo ramusculum de Arbore vitæ; tulerunt illi, sed jam mortuum invenerunt Adamum, quocirco illum ramum in tumulo ejus plantarunt, qui tandem in arborem excrevit, dum Salomon templum ædificaret, excisa in usum fabricæ est illa arbor, sed nunquam aptari potuit, itaque abjecta super aquam ut ex ea fieret ponticulus. Regina
Saba

Saba, ut hoc lignum vidit, edocta Divinitus futuram ex eo crucem, adoravit, & prædixit in ea quendam suspendendum propter cuius mortem perituum esset regnum Israël, quocirca Salomon illud lignum iussit defodi in piscina, sed lignum enatavit. Addunt alii hoc ligno fuisse agitatum in piscina Probatica aquam, post cuius motum sanabatur æger qui prior aquam ingressus. *Ecce potestas Crucifixi.* Ad hanc asperionem capitis Adæ potest illud adduci Heb. 12. *Accessistis ad asperionem sanguinis melius loquentem quàm Abel.* Vox sanguinis Abel Gen. 4. clamabat vindictam, hæc asperio clamat *Emundationem conscientiarum nostrarum ad serviendum DEO viventi.* Huius erat effectus & signum, quia pendente in Cruce Domino, vivi percutiebant pectora, mortui resurgebant, & teste Anonymo Græco apud Gretf. tom. 2. *Mors subito refugit in orbem.* Ideo *Nos gloriari oportet in Cruce Domini nostri.*

De Eadem Inventione S. Crucis.

Non est ita horribile, ut putant homines, crucem invenire, credit S. Bern. de S. Andr. serm. 1. *Si fuerit qui collegas semper lignum crucis, fructificat iucunditatem, oleum lætitiæ stillat, balsamum sudat spiritualium charismatum, non est sylvæ arbor crucis, apprehendentibus eam.* Mira hæc & in speciem creditu difficilia, propterea profundius inspiciamus. Dicta Bernardi illa vox faciliora intellectui reddit, *apprehendentibus eam.* Vanè crucem varii apprehendunt. Alii pretio conducti ut Cyrenæus teste Vega, alii coacti ut latro malus, at qui fructus eius supradictos percipere volunt, ferant ut Christus. Heb. 12. *qui proposito sibi gaudio sustinuit crucem.* Ad ferendam hoc modo hortatur 2. *Petr. 3. Nemo patiatur vestrum ut homicida, aut fur, aut maledicus*